



HORROR NA SOLITO: CURPA SIN BIDA HAYA DEN FREEZER



**SEÑORA L(60) HAYA
SIN BIDA DEN CAS,
POSIBLEMENTE TA TRATA
DI ASESINATO**



**MINISTER WEVER: E DESTAHO
PUBLICO PA SCOHE UN ARKITECTO
PA RENOBAR WILHELMINASTRAAT Y
SU VECINDARIO A CERA**



MINISTER WEVER: E DESTAHO PUBLICO PA SCOHE UN ARKITECTO PA RENOBAR WILHELMINASTRAAT Y SU VECINDARIO A CERA

Oranjestad, 21 november 2025 - Despues cu na october, Minister di Finansa, Asunto Economico y Sector Primario, Geoffrey Wever, hunto cu Prome Minister Mike Eman y Minister di Infraestructura, Rene Herdê, a anuncia oficialmente e apertura di un destaho publico pa selecciona un bureau di arkitektura pa traha un diseño integral pa e proyecto di embebecimento di Wilhelminastraat y su vecindario, awo ta anuncia cu esaki a cera.

Siete bureau di arkitektura a inscribi y a traha riba nan plan visual pa e area. Diahuebs proximo un comision forma pa e tres ministernan y cuater comerciante di Wilhelminastraat lo scohe e plan mas bunita y mas integral, a base di criteria cu a crea specialmente pa esaki, pa asina e arkitecto cu gana e proyecto por prepara e diseño final, bestek y demas documentonan cu ta necesario pa por ehecute e

trabou di construccion.

E proyecto ta forma parti di e esfuerzo continuo di Gobierno di Aruba pa revitalisa e centro di Oranjestad, stimula comercio y stimula cu Oranjestad ta bira un centro tin vivienda, gastronomia, oficina y retail. E iniciativa ta abarca e area di Wilhelminastraat number 49/62 te cu e crusada Wilhelminastraat/ Kazernestraat (excluyendo Plaza Daniel Leo), y tambe e zona di Klipstraat/ Oranjestraat, incluyendo Rifstraat y Schoolstraat.

E diseño cu lo sali ganador for di e encargo aki lo sirbi como base pa implementacion di un plan di embebecimento structural y estetico, cu tin como meta pa haci Oranjestad mas atractivo pa comerciante, bishitante y ciudadano.

“Nos ta keda enfoca pa crea un Oranjestad moderno, vibrante y sostenibel. E destaho publico aki ta un paso concreto den e proceso di



renobacion urbano cu nos a compromete nos mes pa realisa,” Minister Wever a declara. Cu e destaho publico aki, Gobierno

di Aruba ta reafirma su compromiso den e Programa di Gobernacion AVP-FUTURO 2025-2028 pa revitalisa e centro

di Oranjestad, creando espacio pa crecimiento economico y bienestar di nos comunidad.

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



HORROR NA SOLITO: CURPA SIN BIDA HAYA DEN FREEZER

Cuerpo Policial Ta Informa

BOU INVESTIGACION: A HAYA CURPA SIN BIDA DEN UN CAS



Diasabra den oranan di mainta a haya un curpa sin bida na un cas na Solito. Polis tecnico, recherche y tambe dokter forensico a presenta na e sitio pa asina haci nan debido investigacion.

Te aworaki e identidad y ni sexo di e persona te ainda

no a wordo confirma. Durante e investigacion diferente articulonnan na e cas a wordo confisca. Mirando cu te ainda e investigacion ta andando no por duna mas informacion.

Cuerpo Policial ta pidi esun cu sa algo of a wak algo

yama e tiplijn di polis cu ta 11141 y nos ta garantisa cu bo ta keda ANONIMO.

Nota: Di acuerdo cu

informacion extra oficial, a haya curpa di e señora den freezer y aparentemente corta den varios pida. Pe motibo ey e comunicado

di polis ta bisa cu no por a indetifica e sexo di e persona. Noticia den desaroyo

DURANTE UN PRESENTACION NA PRENSA, MINISTER DI INFRASTRUCTURA, ENERGIA Y TELECOMUNICACION, SR. RENE HERDÉ A DUNA UN SPLICACION TOCANTE E SITUACION ACTUAL DI INFRASTRUCTURA Y VIVIENDA

Lamentablemente e estado general di Infraestructura na Aruba no ta manera mester ta. Mester bin cu un evaluacion amplio di e condicionnan actual di Infraestructura di pais Aruba. E caretera- y barionan tin falta di movilidad y mantenimiento structural y di calidad. Tin oportunidad pa bin cu un proceso pa desaroya barionan nobo. Tambe tin posibilidad pa integra materianan den e scolnan cu ta conecta directamente cu trabounan den Infraestructura y

Construccion. Alabes por bin cu 'best practices' di Hulanda den planificacion y ehecucion di proyectonan di vivienda innovativo.

Actualmente e demanda pa vivienda a aumenta y a surpasa e disponibilidad drasticamente. Pa casnan social so, tin mas cu 4000 peticion y 50% di e peticionnan aki ta pa habitantenan cu un edad por medio di 55+ aña.

Tambe tin demanda di hoben- y famianan pa casnan nobo di bon

calidad y cu prijs pagabel. Tur esaki tin un impacto riba e calidad di bida y crecemento economico.

E prioridad ta pa bin cu modelonan di colaboracion y acceso na fondo pa vivienda. Alabes mester bin cu metodonan di construccion nobo pa asina acelera e produccion di vivienda.

Minister Herdè su deseo ta, pa bin cu un sistema pa logra cu nos hendenan local por yega na nan propio hogar.



AUNKE NO TA HAYA E MANTA DEN NOS AWA TERITORIAL, E TA PROTEHA PA NOS LEYNAN LOCAL

ORANJESTAD – Directie Natuur en Milieu DNM) ta informa tocante e especie protegi Manta.

E manta yama na Ingles Giant Manta Ray (*Mobula birostris*) ta haya su nomber gigante como cu e ta esun di mas grandi di e mantanan di mundo. E por midi te cu 8 meter cu su halanan habri y por pisa rond di 2000 kilo. E embranan ta poco mas grandi cu e machonan. E manta aki por biaha te na un maximo velocidad di 40 kilometer pa ora. E manta gigantesco aki ta animalnan migrante cu ta crece poco poco. E manta su reproduccion ta sosode cada 2 pa 3 aña y e ta haya

un yiu bibo. E yiu ta nace despues di 12 luna y ta midi 1 meter y mey. Nan por biba mas of menos 45 aña.

Por reconoce e manta pa nan curpa grandi den forma di diamante cu halanan largo cada banda. Tin dos variacion di color di curpa, preto cu bariga blanco of completamente preto. Nan wowonan ta cada banda di e cabes cu un boca grandi. Dilanti di nan boca nan tin dos structura yama 'cephalic lobes' na Ingles, cu ta extende y ta yuda crea un canal pa awa pasa. Despues e ta filtra e cuminda prome cu e guli esaki. Nan ta alimenta

nan mes door di filtracion via nan caicay (gills), nan ta come cantidad grandi di 'zooplankton' y tambe cabaron y otro piscanan chikito.

Rond mundo ta haya e manta gigante den ocean, awa tropical, subtropical y awa cu temperatura entre 19 pa 22°celsius, pero den otro parti tambe ta haya nan den awa cu temperatura entre 25 y 30°celsius. Nan menasa ta orcanan, especie di tribon y tambe hende cu ta gara nan cu meta comercio internacional. E demanda ta halto pa e caicaynan (gills) di e especie. E sorto ta clasifica na peliger



pa Union Internacional pa Conservacion di Naturalesa (International Union for Conservation of Nature - IUCN) y ta protegi den nos leynan local.

SEÑORA L(60) HAYA SIN BIDA DEN CAS, POSIBLEMENTE TA TRATA DI ASESINATO

Solito - Durante weekend y te cu diadomingo mainta, autoridad tawata Solito 42A.

Eynan lo a topa cu un hende muhe no local sin bida.

Na e sitio nos a papia cu bon conocinan di e señora.

Segun nan a conta nos, e señora(60) aki ta traha na un restaurant na Eagle y e lo tin algun dia cu e no presenta na trabou.

A yama y tur pero niun contesta.

Tambe a pensa cu e lo por a bay biaha, debi cu e mester a bay Santo Domingo. A yama eynan, pero tampoco e la yega. Y asina e situacion a keda

bira mas y mas raro.

Un persona, lo a bula den e cura y a cuminsa wak rond y a bin topa cu un curpa, cu lo ta di e señora.

Aparentemente esaki lo tawata den un freezer. Pues e señora a wordo mata.

Autoridad a yega na e cas diasabra mainta, y den tur secrecia a haci nan trabou y a saca e curpa of loke a haya di e curpa.

Te cu diadomingo mainta, dientstwagen di polis ta dilanti e cas unda cu no ta laga niun hende drenta.

Conocinan cerca a yega y polisnan a bisanan pa bay warda di recherche na Wayaca, unda lo a haya mas informacion.



Cuerpo Policial ta pidi esun cu sa algo of a wak algo

yama e tiplijn di polis cu ta 11141 y nos ta garantisa cu bo ta


keda ANONIMO.

ARUBA TA HAÑA SU PROPIO DOCUMENTARIO DI RESTAURACION DI NATURALES

Funda pa e programa di RESEMBID y ehecuta door di partnernan

Aruba Conservation Foundation,
ScubbleBubbles

Foundation, Universidad di Aruba y
Wageningen



E TRATADO INTERNACIONAL DI NACIONAN UNI PA CU CONTAMINACION DI PLASTIC MESTER TA MAS AMBICIOSO

- E mundo mester un tratado fuerte pa yuda proteha nos planeta y stimula industria pa ta creativo y innovativo pa bin cu alternativa pa plastic cu ta menos dañino pa nos medio ambiente.

E informacion y datonan cu Directie Natuur en Milieu (DNM) ta comparti cu comunidad ta saca di e publicacion 'International journal of science- Nature' di dia 10 di juli 2025. E informe ta enfoca cu e tratado internacional di Nacionnan Uni pa combati contaminacion di plastic ta na un punto crucial. E consumo mundial di plastic ta sigui aumenta rapidamente. Mas cu mita di tur plastic produci, tur ta produci despues di aña 2000. Ta proyecta cu pa aña 2050 e produccion lo redobra siendo cu ta recicla menos di 10% di desperdicio cu ta clasifica como 'single-use plastic'. Loke ta mas pio ta cu e desperdicio aki ta caba den lama y naturaleza rond mundo.

Dos estudio nobo publica den revista Nature ta muestra cu e problema ta mas serio cu a pensa. Un di e estudionan a descubri cu por tin 27 miyon tonelada di 'nanoplastic' (particularnan masha chikito mes) den e lama Atlantico. Nanoplastic ta particularnan cu ta midi menos cu 1 micrometer den diameter, tambe referi

como micron. Su simbolo ta μm (letter Griego sigui pa e letter m). E ta un unidad di midi den e sistema internacional pa midi unidad (S) cu ta igual na 'one millionth of a meter/één miljoenste van een meter (10^{-6} m)'. E otro estudio a identifica mas cu 16,000 substancia deriva di plastic, di cual mas cu 4,200 di nan ta toxico y no ta decompuesta den forma natural.

Tratadonan internacional ta difcil pa crea y pa haya tur partido pa uni riba esaki. E proceso por ta uno largo, pues, e ta tuma tempo. E tratado cu ta drenta den negociacion na Ginebra, Suisa na augustus 2025, mester ta fuerte y ambicioso. Tin algun pais manera Arabia Saudita, China y Rusia, cu ta keda opone regulacion riba produccion di plastic y tambe substancianan dañino. Pero mas cu 70 pais incluyendo Union Europeo (EU), Australia, Canada y Reino Uni (United Kingdom), ta boga pa un tratado cu ta pone limitacion riba produccion di kimiconan pa cu plastic. Loke ta e posicion di Merca bou di e administracion actual ainda no ta sigur. Pues Merca no ta forma parti di e coalicion cu ta opone produccion di substancianan dañino. Aunke algun pais a tuma accion independiente, manera Union Europe (EU) cu na 2019 a tuma nan



mesun direccion contra produccion di plastic di un solo uzo, e tratado global ta esencial. Esnan cu ta na banda di un acuerdo swak ta bisa cu, si corta den produccion y regula kimiconan esaki ta nifica pone na peligro e trabou pa hende y nan sobrevivencia particularmente pa futuro generacion. Pero si busca pa haya alternativanan pa cu produccion di mas plastic ta apoya creacion di industrianan nobo y innovativo pa generacion di futuro y un planeta saludabel cu por biba aden. Si no logra un acuerdo

fuerte na Ginebra, mester considera un "plan B" pa logra un acuerdo pafo di e proceso di Nacionnan Uni. Pero e conclusion ta keda cu no tin un "planet B", pues un di dos planeta Tera.

Di parti di Directie Natuur en Milieu (DNM) nos ta keda boga pa un y tur ta mas consciente di nan mesun consumo y scoge pa productonan cu tin menos plastic. E ley cu ta prohibi uzo di plastic di un solo uzo ta vigente y su contenido ta riba nos website dnmaruba.org bou

di e categoria 'leynan'. E impacto di plastic rond mundo incluyendo Aruba ta uno irreversible y ta cabando cu e naturalesa y bida marino.



DIARANSON MAINTA MINISTER DI VIVIENDA, INFRASTRUCTURA Y TELECOMUNICACION, SR. RENE HERDÉ A HACI UN RECORIDO ROND ARUBA PA BISHITA DIFERENTE TERENO CU TA APTO PA VARIOS PROYECTO INNOVATIVO DI VIVIENDA



Den cuadro di Plan Nacional di Infraestructura (PNI), Minister Herdê a haci dicho recorrido den compania di varios experto local riba tereno di Infraestructura, hunto cu arkitekto di paisahe renombra Hulandes Paul van Beek y Charles Vermaas cu ta un diseñador di ciudad y paisahe. Paul van Beek ta un experto riba tereno di traha barionan (woonwijken) na Hulanda. Van Beek y Vermaas ta di bishita na Aruba pa comparti nan conocimiento y experticio cu Minister Herdê y e team di expertonan di Infraestructura local.

Un di e retonan di mas grandi cu Aruba ta enfrenta actualmente ta esun di vivienda. Tin diferente factor cu a conduci na e problematica aki. Varios departamentonan a wordo negligisha pa basta tempo, incluyendo e departamentonan encarga cu Infraestructura DLV, DIP y DOW. E mal maneho di e departamentonan tin como consecuencia cu e tramitenan pa haya tereno y financiamiento na final ta ocasiona un obstaculo pa logra traha un cas.

Antes na Aruba nan tawata

otorga tereno basta grandi, cu consecuencia cu awo tin scarcedad di espacio pa construi vivienda. Durante e recorrido a bishita e tereno na Port City (Aruba Ports Authority), despues a bay Colony y pa finalisa a bishita un tereno na Burunbundo. E terenonan aki tin un potencial enorme pa por bin cu ideanan revolucionario

tereno di infraestructura y amplia e vision encuanto trahamento di vivienda na Aruba e.o. traha barionan na lugá di casnan individual, traha vivienda den edificionan vertical y no solamente horizontal. Pa facilita e proceso di haya tereno, financiamiento, traha cas etc. mester cuminsa na diferencia e situacion y necesidad di cada persona

individualmente. Un famia cu ta consisiti di mama, tata y 2 yiu su vivienda no por ta mesun tamaño cu un persona di edad avansa cu ta biba su so. E meta ta pa trece un solucion na e problematica di vivienda y yuda pueblo di Aruba, no obstante nan entrada financiero, pa por alcanza e soño di por tin nan mesun hogar.

E efectonan di alcohol riba e sistema nervioso

Alcohol ta un droga cu ta legalisa y acepta socialmente. Es mas, tta e droga mas extendi di mundo y nos ta uz'e cu frecuencia den reunion, get-together cu amigonan, cenanan familiar, etcetera.

Sin embargo, nos conoce e efectonan di alcohol? E efectonan di alcohol ta cuminsa cu un sensacion di excitacion y euforia cu ta haci nos sinti miho ora cu nos cuminsa consumi'e.

Pa desgracia, hopi hende ta uz'e pa desinhibi of pa calma. Sin embargo, e efectonan real den nos organismo no ta nada bon.

Alcohol ta un toxico cu por provoca alteracion den henter nos sistema. Tambe, tin hopi enfermedad cu ta relaciona cu e ingesta cronico di e substancia aki.

Por ehempel, alcohol ta asocia fuertemente cu e disfuncion hepatico. E realidad aki a extende entre e poblacion; no obstante, poco hende conoce e efectonan di alcohol riba nos sistema nervioso, por ehempel.

Den e articulo nos lo bay splicabo.

Cualnan ta e efectonan di alcohol? E efectonan di alcohol den e sistema nervioso por produci tanto di forma agudo como cronico.

E cantidad ingeri y e tempo cu ta mantene e situacion aki ta determinante. Di forma general, nos ta distingui entre e intoxicacion agudo y alcoholismo cronico.

Intoxicacion agudo

Intoxicacion agudo ta produci ora cu den un periodo corto di tempo, ta ingeri cantidadnan hopi grandi di alcohol.

Na principio, e intoxicacion aki ta produci sintomanan agradabel, manera e desinhibicion cu nos a menciona anteriormente.

Di un otro banda, ta necesario menciona cu, aunke hopi hende ta uza alcohol pa socialisa, otronan ta afecta di manera contrario.

Hopi persona por bira agresivo y iritabel. Sin embargo, e efectonan di alcohol den e caso aki, por causa un coma etilico.

Esaki ta un estado di perdida di



conciencia debi na e substancia aki cu por yega na pone e bida na riesgo.

Entre e efectonan di alcohol ta destaca cu ta un depresor di nos sistema respiratorio. Esaki kiermen, cu den e casonan aki, por yega na produci morto pa un fayoden e respiracion.

Alcoholismo

Alcoholismo ta tuma luga ora cu un persona ta sinti un necesidad imperioso di ingeri alcohol cu ta conduci na haci'e constantemente. Un di e efectonan di alcohol ta cu e ta capas di produci dependencia fisico. Esaki ta haci cu e alcoholiconan ta sufri sintomanan di abstinencia ora cu e no por tum'e. Alcoholismo ta asocia na otro procesonan cu, ora combina, ta haci cu ta desaroya cierto trastornonan neurológico grave.

E circunstancianan ta:

- Mayoria di e alcoholiconan tin deficitnan nutricional y falta di vitamina.

- Ta afecta otro organonan manera e higra. Numeroso estudio ta demostra cu e degeneracion hepatico por causa daño den e sistema nervioso.

- Ta hopi comun cu ta produci golpi y traumatismonan craneal pa motibo di e causa di e efectonan di alcohol. Esaki por provoca hematoma y hemorragianan den e cerebro cu tambe su

funcionamento ta bay deteriorando.

Pa tur esaki, e efectonan di alcohol den e sistema nervioso ta wordo traduci den numeroso enfermedadnan. A continuacion nos lo splicabo di esunnan mas destaca.

Efectonan di alcohol: e enfermedadnan neurológico

Demencia

Casi 10% di e alcoholiconan cronico ta sufri di demencia. Esaki ta implica cu e personanan aki ta sufri un deterioro di tur nan funcionnan cognitivo, manera memoria y e habilidadnan social. Den e casonan aki, e persona ta perde e capacidad di realiza actividadnan compleho. Tambe por provoca cambionan den su personalidad y den su estado di animo.

Degeneracion di e cerebello

E cerebello ta un parti di nos sistema nervioso cu ta encarga di e coordinacion muscular y otro movimentonan cu nos ta realiza involuntariamente.

Ta calcula cu rond di un 50% di e alcoholiconan ta sufri daño den esaki. Nan ta caba teniendo dificultadnan pa papia, pa cana y hasta cuminsa tin temblamento.

Polineuropatia alcoholico

Otro di e efectonan di alcohol ta polineuropatia alcoholico. E ta un enfermedad caminda cu algun nervio ta degenera y no por mantene corectamente su funcionnan.

E ta asocia na un falta di vitamina secundario na e ingesta di alcohol. E personanan aki ta cuminsaperde forsa den su miembronan gradualmente. Ademas, ta sinti parestesias (sensacion di grawatashi den e cuero) y dolor den e mesun miembronan. Na final, e ta afecta e forma di cana.

Efectonan di alcohol: e sindrome di Wernicke-Korsakoff

E patologia aki ta produci un alteracion di e conciencia cupor yega hasta den coma. E ta wordo causa pasobra e cerebro no ta metabolisa corectamente e glucose y ta acumula cierto substancianan toxico den dje.

Concluyendo

E efectonan di alcohol den e sistema nervioso ta varia y compleho. Ta importante sa cu e ta produci daño tanto ora cu ta limita na un intoxicacion agudo como ora cu e persona ta alcoholico di manera cronico.

P'esey, si bo ta kere cu bo tin un adiccion na alcohol of bo ta bebe frecuentemente, purba di aleha di dje.

Tanto bo dokter, como numeroso gruponan di apoyo cu ta existi awendia por yudabo.



HILTON ARUBA CARIBBEAN RESORT & CASINO A TENE UN EVENTO PA PARA KETO Y CONSCIENTISA RIBA 'DIA MUNDIAL DI DIABETES'

Fundacion Diabetes Aruba (FDA) a organisa un screening di mita dia cual a enfoca riba conscientisacion di e tema 'diabetes curashando empleadonan pa 'haya sa mas, y tuma mas accion.'

E meta di e evento tabata pa educa empleadonan riba prevencion y maneho di diabetes pa medio di screenings practico, sessionnan na pia di trabao mes cu ta enfoca riba chequeo di salud.

Participantenan a keda empodera cu conocimiento y herment pa mantene un ambiente laboral hopi mas saludabel y enfoca den tuma decisionnan mas informa pa nan bienestar general.

Durante e encuentro, e empleadonan a participa den cinco session di intercambio unda cu cada un tabata guia p'un experto, cual tabata mas o menos 20 minuut cada uno.

E encuentronan aki a cubri topiconan manera ehercicio pa haci na trabao pa mehora circulacion y salud general; cuido di pia, reconociendo señalnan di trempa y preveni problema cu pia pa motibo diabetic; comiendo mas sabi y mas saludabel dus strategia cu por aplica durante dianan hopi druk, maneho di stress, cu enfoca riba comprendiendo e conexion entre stress di trabao, oranan iregular, y nivel di sucu.

Adicionalmente n'e sessionnan educacional aki, e empleadonan tabata tin acceso na varios area di chequeo y screening, incluyendo pa sucu, presion halto, como tambe peso y nivel di fat curpa (BMI, Body Mass Index). Screening pa bista pa deteccion



trempan di complicacion tambe a keda ofreci, hunto cu otro servicionan y productonan pa pia y sapato, como tambe consultacionnan personalisa cu un dietista y terapeuta fisico.

E evento den su totalidad tabata un tremendo exito cu empleadonan activamente participando y mustrandando interes di berdad n'e topiconan cu a keda presenta.

E empedadonan a ricibi conocimiento y tips practico cu nan por aplica durante nan rutina diario.

Clasificados

SOLODIPUEBLO@GMAIL.COM

CEL. 585 9500

Registra y salba bida!



ORANJESTAD: E ta sigur un bunita gesto, pero mas ainda e ta algo asina necesario. Nos tur conoce un hende cu pa un of otro motibo a haya nan mes den un situacion cu nan tin mester di sanger.

Sea un famia, un amigo, un bisiña, un colega of miembro di un club deportivo.

Kisas abo mes a experencia cu e sanger a yudabo

recupera bo salud di un accidente, un operacion of un malesa cronico. Danki Dios nos ta bendiciona cu profesionalnan den nos sistema di cuidio medico cu ta percura pa esaki.

Y sigur danki na e donantenan di sanger. Arubianonan cu literalmente ta duna di nan mes pa salba bida di un otro ser humano.

Storianan cu antes ora bo drenta scol di polis automaticamente bo ta bira donante di sanger.

Algun bes pa aña bus yen di aspirant ta bai bloodbank pa asina nan duna di nan parti pa yuda salud di nos prohimo.

Hopi di esnan di e tempo ey te ainda ta duna sanger, nan a sinti e proposito di duna

bek na comunidad di e forma aki.

Tin hasta dunado di trabou cu ta coopera cu nan coleganan y laga nan bai bloodbank durante ora di trabou.

Un elogio sigur pa e doñonan di trabou aki y un bon manera pa otro companianan tambe por contribui na nos pais.

Fuera di e trip pa bloodbank, duna sanger no ta costa bo nada. Kizas e ta tiki 'scary' na comienso, pero bo ta custumbra lihe.

Tin hende cu hasta gusta e hangua. Ami no ta un di eseynan, pero pa mas cu 10 aña caba sigur cada bes ta un satisfaccion pa por a yuda un biaha mas.

Ta wordo bisa tambe cu dunamento di sanger ta yuda bo mes culpa pe traha sanger fresco mas lihe, cu ta bon pa bo mesun salud.

Pa mas informacion por bishita website y pagina di Facebook di Stichting Bloodbank Aruba.

MASHA DANKI DONANTE!


STICHTING BLOEDBANK ARUBA

BON NOTICIA DEN CUAL IGLESIA BO TA? PASOBRA TA UN IGLESIA SO CRISTO HESUS A LANTA

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, cu nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e pueblo Nobo, e Herusalem Nobo di Israel. Bijbel Lucas 1: 32 – 33, ta bisa: “Senyor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon

cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera y habri e portanan di Reino pa laga e almanan drenta den Reino di Cielo. Den e unico Iglesia di Cristo-Hesus, tin e yabinan di e portanan di Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia mester ta Universal. E Iglesia Universal di Hesus, ta e pueblo Nobo di Israel, cu ta e Herusalem Nobo di Dios Tata den e Aliansa Nobo. Awor, tur hendenan, sectanan y e Hudiunan mes, nan mester kere den Cristo-Hesus y nan mester drenta y bautisa den E Iglesia Universal di Hesus, pa nan por drenta den e Reino di Cielo. Hesus a duna Su apostelnan tambe, Su doctrinanan di Gracianan di salvacion pa Su Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23, Eucaristia Lucas 22: 19 – 29, Matrimonio Mateo 19: 4 – 6, Apostolado Marco

3: 13 – 19, Entermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luthero un frere, teologo aleman a bai contra di e Iglesia Universal di Cristo-Hesus. El a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo a trece hopi division y hopi di nan a lanta nan mesun religionnan, sectanan y predicando e Bijbel den nan mesun manera y buscando hendenan debil den fe pa sigi nan. Martin Luthero a bira Protestant, pasobra el a protesta y el a trece doctrinanan robes den Iglesia Universal di Cristo Hesus. Den Bijbel Echonan Apostelnan 20: 28 – 30, carta di San Pablo na su coleganan



Apostelnan: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senyor, na cual E’l a gana cu Su propio Sanger. Mi sabi cu despues di mi partida, lo drenta lobonan feros cu lo no tene compasion cu e rebanjonan y cu denter di boso mes, lo surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den Bijbel Mateo 16: 18, cu forsan di fierno lo purba podera y kibra e Unico Iglesia Universal di Hesus, pero nan lo no logra. Den Bijbel

Revelacion 21: 10-14, ta bisa, di e ciudad Santo di Herusalem cu tabata bahando di Dios for di Cielo, briyando di Dios Su Gloria. E muraya di e ciudad tabata tin diesdos piedra di fundeshi grandi y riba nan, e diesdos nomber di e diesdos Apostelnan di E Lamchi tabata scirbi. Esaki ta e diesdos nombrenan scirbi riba e diesdos Portanan di Reino di Cielo. Husga pa bo mes, si bo ta den un Iglesia corecto pa bo salvacion. Pasobra nunca no ta laat pa compronde e berdad y pa comberti na tempo. Scirbi pa Seferino Tromp

CROSSWORD

WORD SEARCH PUZZLE

Fruits

Across

3. A big fruit you eat in the summer.

5. What fruit do monkeys like?

6. A red fruit.

Down

1. Purple fruit.

2. A small red fruit.

4. _____ juice.

FORTALEZA PA FAMILIA

Scirbi pa Pastor Marcel Balootje.

DURESA DI CURASON, TA PONE HENDE PERDE FAMILIA, BIENESTAR Y FELICIDAD

Palabra di Dios ta bisa lo siguiente: Ma pa motibo di bo capricho y bo curason cu no ta arrepenti, bo ta montona furia pa bo mes, den e dia di furia y revelacion di e huicio husto di Dios. (Romanonan 2:5).

Pero tambe e palabra di Dios ta bisa den 2 Timoteo 3:2 Pasobra hende lo ta stimado di nan mes.

Ora un hende ta stima su mes, e no ta tene cuenta cu otro hende y e ta sera su curason pa hende y hasta tin biaha contra su propio familia, y hasta su mayornan.

Ta duresa di curason ta pone hende comete adulterio, sin tene cuenta cu nan esposa y nan yuinan.

Ta duresa di curason ta pone divorcia, bandona cas sin tene cuenta cu e hypothec mester wordo paga. y locual e esposa ta gana no ta bay yega, y cu pronto su esposa lo ta riba caya, y su yuinan tambe.

Ta duresa di curason y bobedad ta pone un homber keda sin cria su yuinan, teniendo trabao.

Ta duresa di curason ta pone yuinan saca nan mayornan for di cas pa nan por huur e cas.

Ta duresa si curason ta pone hende hiba mayornan cas di anciano y no ta bay bishita nan,

Ta duresa di curason ta pone hende saca nan yiu for di cas, pa nan bay biba



cu un partner nobo.

Ta duresa di curason ta pone un homber bebe e placa cu mester cumpra cuminda y paga utilidad.

Ta duresa di curason ta pone hende prefera di divorcia enbes di pordona.

Ta duresa di curason ta pone hende mantene pica scondi y no kier arrepenti.

Ta duresa di curason ta pone un homber maltrata su esposa y yuinan constantemente.

Ta duresa di curason ta pone hende bisa cu nan ta pordona pero nan no ta lubida.

Duresa di curason ta pone hende lubida tur promesa haci dilanti di Dios, y ta ninga responsabilidad.

Duresa di curason y adiccion na droga ta pone

hende bende cos den cas pa nan por sigi usa droga.

Ademas lo Mi duna boso un curason nobo, y pone un Spirito nobo den boso, Lo Mi kita e curason di piedra for di boso y duna boso un curason di carni.

Nos curason ta masha importante pa Dios, pasobra bondad y maldad ta sali for di curason di hende, odio y amor tambe ta sali for di mesun curason, bon deseo y mal deseo ta sali for di curason, ta pesey nos mester dedica nos curason na Dios, y invita Cristo Hesus pa biba den nos curason y asina sera e porta pa maldad y inmoralidad.

Orguyo ta haci curason di hende duro, cu ta pone cu nan no kier reconoce Dios, ni tampoco somete na Dios, y pesey e palabra di Dios ta bisa den

Romanonan 1:28 cu Dios mes ta entrega nan na un mente perverso pa haci cosnan cu no ta cumbini.

Den un palabra bisa duresa di curason ta manda hende hopi atras y ta kibra hende su relacion cu Dios, y hopi biaha nos ta mira un hende ta struggle cu stress y depresion, poniendo su salud mental na peliger, pa motibo di su

duresa di curason.

Wak con duro curason di hende por bira, nan ta lubida famia, lubida yiu y aleha for di nan sernan keru pa motibo di placa.

Hende ta prefera di laga un propiedad bay perdi, y toch tin hende den famia cu no tin cas pa biba aden. Duresa di curason por pone hende perde cabes.

Clasificados

SOLODIPUEBLO@GMAIL.COM

CEL.585 9500

Dia Internashonal di Derechi di Mucha 2025: “Mi dia, Mi derechi”

WILLEMSTAD- Awe Kòrsou ta uni su mes ku mundu kompletu den kuadro di selebrashon di derechi di mucha 2025. Ku honor nos ta karga e tema di e aña aki; “Mi dia, Mi derechi”. Komo Minister enkargá ku bienestar di nos país, ta importante pa pueblo di Kòrsou sa ku pa mi ministerio kada mucha i su bos ta importante. No solamente awe, pero hinter aña sektor Famia i Hubentut ta enkargá ku maneho i responsabilidad pa derechinan ta bibu i protehá.

E tema di e aña aki ta un yamada pa nos tur para ketu, skuchá nos muchanan, ku oido pa komprondé nan nesensidat i intenshonnan. Ban pone énfasis na realmente skucha nos muchanan kiko nan tin di bisa di nan bida i unda nan ta deseá di ta ku nan bida. Riba 20 di novèmber ta e fecha pa nos refleksioná riba e partisipashon di nos muchanan i inklui nan den diseñá e mundu ideal pa nan.

Pa Ministerio di Desaroyo Sosial, Labor i Bienestar e aña aki tabata ku logronan signifkante. Nos a lansa durante aña un vishon riba edukashon familiar i vishon sosten riba edukashon familiar. Esaki netamente pa ekipá i yuda mayornan ku mas konosementu kon ta e mihó manera pe eduká nan yunan pero tambe tin mas oido pa ku nan yunan. Konforme artíkulo 18 di e tratado di derechi di mucha. Mayor ta e persona responsabel pa guia di su yunan, pues komo Gobièrnu ta nos meta di sòru pa e mayor risibí e guia nesensario pa por hasi

esaki korektamente.

Tambe durante e aña aki sektor Famia i Hubentut a ekipá 30 profeshonal ku konosementu riba partisipashon signifkativo di mucha i hóben, esaki ta pa pèrkurá ku ta tene cuenta ku nos muchanan ora ta trata maneho i desaroyonan ku ta enserá nan tambe. E meta ta pa sigui traha pa mas profeshonal risibí e konosementu aki di

forma ku komo gobièrnu nos sigui kumpli ku e tarea di Internationale Verdrag Rechten van het Kind (IVRK), ku ta sòru pa e leinan ta bibu i bon protehá.

Relashonnan internashonal ta keda un pila fuerte den nos trabounan, Durante e aña aki nos a sigui traha duru ku UNICEF Hulanda ku ta duna sosten tékniko riba diferente materia, Kódigo

di Protekshon, ParentChat i Edukashon Familiar i tambe nos profeshonalnan a asisti na nos reunionnan anual den komishon di Reino Hulandes. E aña aki nos ta partner mayó den e Festival di Derechi di Mucha kaminda 2500 mucha ta ta partisipando i wòrdu informá riba nan derechinan.

E selebrashon riba e fecha aki ta festivo pero alabes e mester ta prometedor,

komo minister mi ta reafirma komo gobièrnu nos responsabilidad pa sòru pa maneho, tambe sòru pa ekipá nos profeshonalnan ku e hèrmèntnan nesensario pa ehersé nan trabou.

Ban skucha huntu, ban aktua huntu i huntu nos ta ban yuda krea un futuro briante pa kada un di nos muchanan, pa nan bos, nan soñonan i nan derechinan.

MINISTERIE VAN
SOCIALE ONTWIKKELING, ARBEID EN WELZIJN
SECTOR FAMILIE & JEUGD

NOS TIN DERECHI

Nos ta selebrá tur mucha
i enfatisá riba e tema di 2025:
**Tur hende mester sa e
derechinan di mucha.**

Un mensahe di Ministerio SOAW
Sektor Famia i Hubentut i Plataforma IVRK.
Pa más informashon, por yama 724-5499.

PLATAFORMA
IVRK
HUBENTUT TA NOS FUTURO

unicef
voor ieder kind

ROYAL CARIBBEAN GROUP TA LANSA SU TEMPORADA DI CRUCERO DIRIGI RIBA LATINO AMERICA

Royal Caribbean Group a lansa oficialmente su temporada di crucero Latino-Americano 2025-2026 cu un despliegue special na Caribe Meridional di e prestigioso Serenade of the Seas. E barco lo nabega un itinerario cu ta inclui Colón, Cartagena, Oranjestad y Willemstad, cu paradanan na Aruba te cu memey di april 2026, ora cu e barco ta cambia su posicion pa Alaska pa temporada di zomer. Na es momento ey, un otro barco di Royal Caribbean lo tuma e itinerario, sigurando continuidad di servicio y presencia den Caribe Meridional.

Diamars, dia 18 di november 2025, a tene un ceremonia special abordo di Serenade of the Seas na Aruba, celebrando e yegada di e barco y marcando e inicio di su itinerario Caribe Meridional. Presente tabatin Capitan di Serenade of the Seas, Carlos Díaz, Wendy McDonald, Vicepresidente Regional y Relacionnan Gubernamental di Royal Caribbean Group pa e region Caribe, conhuntamente cu Marc Figaroa, CEO di Aruba Ports Authority NV, y Ronella Croes, CEO di Aruba Tourism Authority. Ademas miembronan clave di e ekipo di Aruba Ports Authority NV y Aruba Tourism Authority tabata presente. A tene un intercambio di plakkaat conmemorativo abordo, unda a comparti palabranan di gratitud y aprecio.

“E despliegue aki ta subraya e compromiso fuerte di Royal Caribbean cu mercado Latino Americano y cu e destino di Aruba, cu ta ricibi



constantemente un cantidad significativo di bishitantenan di crucero,” asina Wendy McDonald di Royal Caribbean Group a expresa na e ceremonia. “Nos ta contento pa ofrece na nos huesped un experiencia premium den Caribe Meridional cu ta inclui wafnan iconico manera Aruba, Cartagena y Curaçao. Despues di bishita Aruba varios biaha, tabata hopi kla pa mi cu ‘ora bo ta stima Aruba, Aruba ta stima bo bek.’ E isla y su hende tin un lugá special den mi curason, y cada bishita ta solamente profundisa mi admiracion y cariño pa Aruba. Semper ta sinti manera ta cas mi ta bin bek.”

“Nos ta gradici Royal Caribbean Group sinceramente pa inclui Aruba den e itinerario aki. Ta un placer pa nos pa forma parti di e mercado importante aki. E colaboracion entre Aruba Tourism Authority y Aruba Ports Authority ta hunga

un rol vital pa sigura cu nos ta entrega e calidad, servicio y confiabilidad cu Royal Caribbean ta busca den un destino. E aliansa aki ta berdaderamente valioso pa nos, y nos ta aprecia e confiansa cu Royal Caribbean Group ta pone den Aruba,” Ronella Croes di A.T.A. a duna di conoce.

Marc Figaroa di APA NV tambe a hiba palabra na e ceremonia di intercambio di plakkaat bisando: “Den 2026, e famia di Royal Caribbean lo bira nos linea di crucero number un, sosteniendo e porcion mas grandi di e mercado. Royal Caribbean Cruise Line lo representa 27.1% di nos mercado total, y Royal Caribbean Group hunto lo conta pa 34.8% di total di pasahero. E logro aki ta refleha dedicacion, compromiso y trabou di un ekipo fuerte. Nos colaboracion cu Royal Caribbean ta hopi importante pa nos, y nos kier expresa nos gratitud

sincero. Masha danki.” Tocante Serenade of the Seas

Serenade of the Seas a cuminsa brinda servicio den juli 2003 como parti di e flota Radiance-class di Royal Caribbean International. Especificacion y característica principal di e barco ta inclui:

- Gross tonnage: 90,090 GT
- Largura: 293 m (961 ft) y hanchura: 32.2 m
- Capacidad di huesped: entre 2,100–2,500, cu un tripulacion di entre 850–900.

Mester menciona cu dia 18 di november 2025, e barco a trece aproximadamente 2,400 huesped na Aruba.

Tocante Royal Caribbean Group
Royal Caribbean Group ta un compania cu ta lider den e industria di crucero, cu ta maneja diferente marca manera

Royal Caribbean International, Celebrity Cruises y Silversea Cruises. E flota global di e compania ta consisti di 68 barco, nabegando pa aproximadamente 1,000 destino mundialmente. Por medio di Royal Caribbean International, tin actualmente 29 barco activo, cu opcion di mas barco. E compania ta reconoci pa innovacion, experiencia di nivel halto pa huesped y compromiso cu biahenan sostenibel.

Clasificados

SOLODIPUEBLO@GMAIL.COM
CEL. 585 9500

SOPI DI LETRANAN

Z	P	Y	X	W	I	W	V	Y	O
D	Ñ	U	Q	M	Ñ	J	Y	C	D
L	S	Y	Y	Q	R	Ñ	O	A	I
P	A	Ñ	T	F	G	R	D	H	F
A	L	O	X	C	C	A	S	C	U
R	T	S	N	H	J	R	W	O	B
D	E	K	E	I	O	Y	F	R	Y
I	R	H	U	D	V	Y	B	C	U
N	O	Q	I	U	L	I	I	O	U
A	P	L	D	E	F	D	L	V	C
Y	O	A	T	S	I	U	F	O	A
P	R	N	I	A	R	Q	J	L	L
E	A	M	N	A	R	U	W	E	V
C	B	O	H	P	M	L	F	T	E
A	D	A	L	B	O	D	I	B	Z

ALTERO
BUFIDO
CALVEZ
CANTEL
CIDIANO
CORCHE
CORCOVO
DOBLADA
OLIVINO
PARDINA
POLIDOR
QUIJADA

SUDOKU

		8		3		5	4	
3			4		7	9		
4	1				8			2
	4	3	5		2		6	
5								8
	6		3		9	4	1	
1			8				2	7
		5	6		3			4
	2	9		7		8		

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
	9					4		

						3	9	
	8							5
		9		6		8		
		5		9				6
7								
		8	4		6			
		3		8			5	
	2		7			6		
4						1		

Oracion di dia

**Un feliz dia yena di hopi fe y speransa
den nos bon Dios**

"...sino conta e generacion venidero: esta gloria di Señor, su poder, ye cosnan milagroso c'El a haci." (Salmo 78, 4bc)
E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, CristoHesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cuDios. Pero anos a sigui conta nos yiunan tocante di Dios manera nosgrandinan a haci? Anos a siña e hubentud tocante e milagronan ysacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba ecaminda cu Cristo Hesus a traha pa nos. "...pa nan tambe confia denSEÑOR, no lubida Dios su obranan grandi..."(Sal 78, 7)
Oracion: Señor mi Dios motiva mi y guia mi, cu yudansa di SpiritoSanto, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.
Amen.

INTEGRO e INTEGRIDAD

Dos palabra masha sensibel

Un ensayo di Vivienno Frank, Sr.



Ultimamente e palabranan integro e integridad ta wordo uza arbitrariamente y frecuentemente door di politicianan, ciudadanonan y den media. Frasen an manera: “E no ta integro pasobra e no ta papia berdad”, “E no ta integro pasobra e a horta y ta horta”, “E no ta integro pasobra den campaña el a priminti di haci algo y no a cumpli” y mucho mas. E frasenan aki a capta mi atencion, no pa e acusacionnan emiti pa cual mi no tin detaye- of basenan pa duna un opinion, pero pa e palabranan “integro” - cu ta bin di e palabra Latin integer - e “integridad” riba nan mes. E palabra integro den teoria di number (getallenleer) ta nifica numbernan manera, pa ehempel: den e cifra 3□ unda 3 ta e integro y □ ta e fraccion.

Mi a bay haci un poco huiswerk y a bay bek na mi diccionarionan, pero mucho leu mi no a yega, ya cu pa tur mi ta yega na e conclusion cu na final nan kiermen “completo”, “intacto” of “incorruptibel”. Dos palabra cu ta wordo uza masha den idiomanan

moderno ta: integer vitae, den e significacion di un bida limpi di bicionan y e expresion aki ta bini di un ode (poema) di e poeta/filosofo Romano, Horatius: “Integer Vitae scelerisque purus non eget Mauris iaculis neque arco” (Un homber limpi di bicio no tin necesidad di speer tampoco boog Moro). Te aki mi no por a haya un splicacion sin ambigüedad y a purba den un otro area.

□ Den Bijbel: Integridad ta un concepto di un compromiso constante pa principianan moral y berdad, particularmente na liña cu e normanan di Dios. E ta encera ta e mes un persona den priva cu den publico, cu accionnan cu ta refleha su creencia. Integridad no ta djis un atributo personal sino tambe un refleho di un hende su relacion cu Dios y un guia pa biba husto.

Socrates 470 – 399 AC (den e obra di Plato: Crito): Pa Socrates, integridad ta fundamentalmente mara na virtud y sabiduria, cu ta rekeri aliniacion entre un hende su creencia, palabranan y accionnan. E ta encera biba autenticamente, guia pa rason y un compromiso cu berdad, hasta ora ta enfrente presion of riesgo personal.

Baruch Spinoza 1632 – 1677 DC: Pa Spinoza, integridad ta fundamentalmente mara na comprendemento y aliniacion di bo mes cu e

ordo natural, cu e ta iguala cu Dios of Naturaleza. E ta encera biba di acuerdo cu rason, reconoce bo luga den e red interconecta di existencia, y haci esfuerso pa compronde y actua di acuerdo cu e leynan inherente di naturaleza. E comprendemento aki ta conduci na un estado di bendicion y libertad, na unda uno no ta wordo impulsa pa pasionnan pasahero sino pa e buskeda di conocemento y virtud.

Emmanuel Kant 1724 – 1804 DC (den su obra: Critica dje rason puro): Integridad ta fundamentalmente tocante actua di acuerdo cu uno su debennan moral, manera dicta pa rason, y mantene e debennan ey consistente sin importa deseonan personal of presionnan externo. E ta encera un compromiso cu principianan moral universal y trato na humanidad, tanto den bo mes como den otro, como un fin den su mes, nunca djis como un medio. Kant su concepto central ta e Imperativo Categorico, un ley moral universal segun Kant cu ta guia nos accionnan.

Esencial e ta declara ta cu uno mester actua solamente segun e principio ey pa medio di cua bo por, na mes momento, kier cu e mester bira un ley universal.

Bertrand Russell 1872 – 1970, su cita: “Ta parece mi un deshonestidad fundamental, y un traicion

fundamental pa integridad intelectual pa adheri na un creencia pasobra bo ta kere cu e ta util y no pasobra bo ta kere cu e ta berdad.”

Stanford Encyclopedia of Philosophy (Stanford University na Stanford, California):

Kico e ta pa ta un persona di integridad? Discurso ordinario tocante integridad ta encera dos intuicion fundamental: prome, cu integridad ta principalmente un relacion formal cu un hende tin cu su mes, of entre partinan of aspecto di su mes; y di dos, cu integridad ta conecta na un manera importante na actua moralmente, cu otro palabra, tin algun limitacion sustantivo of normativo riba kico ta pa actua cu integridad.

Integridad ta un di e terminonan di virtud mas importante y hopi biaha cita. E ta tambe kisas esun mas desconcertante. Por ehempel, mientras cu tin biaha e ta wordo uza practicamente sinonimo di ‘moral,’ nos tambe tin biaha ta distingui actua moralmente for di actua cu integridad. Personanan di integridad por en realidad actua inmoralmemente— aunké nan lo no sa cu nan ta actua inmoralmemente. Pues un hende por reconoce cu un persona tin integridad aunké e persona ey por tene loke e ta kere, ta principalmente puntonan di bista moral robes.

Mi por asumi cu e editornan di e enciclopedia di Stanford a haci nan tarea optimal y si mi elabora riba e prome ponencia den e prome aline di Stanford su enciclopedia, mi por conclui por ehempel cu un hende cu tin e mal contenido, ta bashi y no tin sentido.

tur oportunidad cu e haya, ta integro na su mes tanten e ta tene su mes na su mal principio; of, un hende cu tin e mal principio di nunca ta papia berdad, ta integro na su mes tanten semper e ta tene su mes na su mal principio y ta gaña; y asina por duna mas ehempel. Pero den un comunidad sano na unda e mal cualidadnan aki no ta wordo tolera, un persona asina un dia cu e wordo gara lo mester carga e consecucionan.

Si tira un bista n'e seis casonan cu a wordo cita, uno ta mira cu tur ta pone enfasis riba e palabra moral, of palabranan manera: virtud, berdad, un bida husto, rason puro, cumpli cu leynan, etc. cu ta inherente na moral o moralidad, cua ta referi na un sistema di principianan tocante e distincion entre loke ta bon y loke ta malo, of un bon y un mal comportacion. Cu tur esaki, den mi opinion, por yega na e conclusion cu un comunidad cu ta biba den e cuadro di moralidad aki, ta un comunidad cu ta sano y ta crece. Den un comunidad asina e ciudadanonan tin tur derecho di existi di e miembronan di e Trias Politica, tur empleadonan publico y tur medio publico den tur momento di ta integro y no mester uza e palabranan integro y integridad arbitrariamente.

Finalmente e concepto di integridad o di ta integro ta irevocablemente mara na un principio moral di bida; sea e principio aki ta un principio propio of social; uno ta integro na algo, sea cu e algo aki ta un principio, un moral, un creencia, etc. Pa ta uza e palabranan integro o integridad djis pa uza y sin contenido, ta bashi y no tin sentido.